



Broj: 16-12-16-4749-13 /18
I. Sarajevo, 04.10. 2018. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 70. Zakona o javnim nabavkama ("Službeni glasnik BiH", broj 39/14), na preporuku Komisije II za nabavke za potrebe Državne agencije za istrage i zaštitu u 2018. godini broj 16-12-16-4749/18 od 02.10.2018. godine, u postupku javne nabavke taktičkih cipela, kombinezona i brila za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u konkurentskom zahtjevu za javnu nabavku taktičkih cipela, kombinezona i brila za potrebe Državne agencije za istrage i zaštitu

Član 1.

Prihvata se preporuka Komisije II za provođenje postupka nabavke za potrebe Državne agencije za istrage i zaštitu u 2018. godini broj 16-12-16-4749/18 od 02.10.2018. godine i ugovor u postupku javne nabavke taktičkih cipela, kombinezona i brila za potrebe Državne agencije za istrage i zaštitu, dodjeljuje se za:

LOT 1 (Nabavka 100 pari taktičkih cipela) ponuđaču „SHOT” d.o.o. ZENICA za ponudenu cijenu od 17.000,00 KM bez uračunatog PDV-a;

LOT 2 (Nabavka 80 komada taktičkih kombinezona) ponuđaču „daniel’S” d.o.o Tešanj za ponudenu cijenu od 15.360,00 KM bez uračunatog PDV-a;

LOT 3 (Nabavka 80 kompleta taktičkih brila) ponuđaču „SHOT” d.o.o. ZENICA za ponudenu cijenu od 18.400,00 KM bez uračunatog PDV-a;

Član 2.

(1) Ponuđači „SHOT” d.o.o. ZENICA i „daniel’S” d.o.o Tešanj, obavezni su ugovornom organu dostaviti dokaz o ispunjavanju uslova iz tačke 3.1.1. i tačke 3.1.3. Tenderske dokumentacije.

(2) Dokaze iz stava (1) ovog člana (original ili ovjerena fotokopija) ponuđači su obavezani dostaviti ugovornom organu u roku od pet dana od dana prijema ove odluke.

Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Državne agencije za istrage i zaštitu.

Član 4.

Za izvršenje ove odluke zadužuje se Sektor za materijalno-finansijske poslove, Državne agencije za istrage i zaštitu.

Član 5.

Ova odluka stupa na snagu danom donošenja.

O b r a z l o ž e n j e

Postupak javne nabavke taktičkih cipela, kombinezona i brila za potrebe Državne agencije za istrage i zaštitu (u daljem tekstu: Agencija), pokrenut je Odlukom direktora Agencije broj 16-12-16-4749-1/18 od 12.07.2018. godine, putem konkurentskog zahtjeva, za koji je obavještenje o javnoj nabavci objavljeno na Portalu javnih nabavki broj 1161-7-1-312-3-53/18 od 20.07.2018. godine. Procijenjena vrijednost javne nabavke je ukupno 49.600,00 KM bez uračunatog PDV-a, a za šta su novčana sredstva obezbjeđena u okviru budžetskih sredstava za 2018. godinu. Predmet javne nabavke podjeljen je na lotove i to:

LOT 1 (Nabavka 100 pari taktičkih cipela) procjenjene vrijednosti 17.100,00 KM bez uračunatog PDV-a;

LOT 2 (Nabavka 80 komada taktičkih kombinezona) procjenjene vrijednosti 15.400,00 KM bez uračunatog PDV-a;

LOT 3 (Nabavka 80 kompleta taktičkih brila) procjenjene vrijednosti 17.100,00 KM bez uračunatog PDV-a.

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Komisija II za nabavke za potrebe Državne agencije za istrage i zaštitu u 2018. godini (u daljem tekstu: Komisija) dostavila je Izvještaj o radu broj 16-12-16-4749/18 od 02.10.2018. godine, sa preporukom o izboru najpovoljnijeg ponuđača u postupku javne nabavke taktičkih cipela, kombinezona i brila za potrebe Agencije.

Tačkom 6. Tenderske dokumentacije navedeno je, da je rok za dostavljanje ponuda 31.07.2018. godine do 13,00 sati, te da se ponude dostavljaju u zatvorenoj koverti, Komisija je dana 31.07.2018. godine u 14,00 sati izvršila javno otvaranje ponude. Blagovremeno su dostavljene tri ponude i to:

Redni broj	Naziv ponuđača	LOT	Vrijednost ponude (bez PDV-a)
1.	„KM TRADE“ d.o.o. Visoko	LOT 1	15.500,00 KM
2.	„SHOT“ d.o.o.ZENICA	LOT 1	17.000,00 KM
		LOT 3	18.400,00 KM
3.	„daniel'S“ d.o.o Tešanj	LOT 2	15.360,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da ponuđači „SHOT” d.o.o. ZENICA i „daniel’S” d.o.o Tešanj, ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Takođe, Komisija je utvrdila da ponuđači ispunjavaju i formalno-pravne uslove postavljene u Tenderskoj dokumentaciji.

Uvidom u dostavljenu ponudu ponuđača „KM TRADE” d.o.o. Visoko, Komisija je utvrdila da ponuđač nije dostavio Obrazac za ponudu, koji je sastavni dio ove Tenderske dokumentacije, pa iz navedenog razloga nije prihvaćena njegova ponuda.

Dalje, Komisija je u cilju ocjene tehničkih uslova navedenih u Konkurentskom zahtjevu od Jedinice za specijalnu podršku aktom broj 16-12-16-4749/18 od 06.09.2018. godine, tražila da na osnovu uvida u pristigle ponude dostave stručno mišljenje u vezi postavljenih tehničkih uslova. Jedinica za specijalnu podršku je aktom broj 16-09-16-4749/18 od 10.09.2018. godine, potvrdila da dostavljene ponude odnosno uzorci taktičkih cipela i kombinezona, zadovoljavaju tehničke uslove postavljene Konkurentskim zahtjevom.

Tenderskom dokumentacijom za postupak javne nabavke taktičkih cipela, kombinezona i brila za potrebe Agencije, predviđeno je provođenje e-aukcije, a imajući u vidu da je za svaki LOT zaprimljena samo jedna ponuda, e-aukcija nije ni zakazivana.

Nakon pregledanja dokumentacije priložene uz dostavljenu ponudu, Komisija je u smislu člana 65. st. (1) i (2) Zakona ocijenila ponude kvalifikovanih ponuđača, primjenjujući kriterij najniže cijene ponude iz tačke 8. Konkurentskog zahtjeva, konstatirajući da ponude ne podliježu primjeni preferencijalnog tretmana domaćeg, te je sačinila listu ocijenjenih ponuda, kako slijedi:

RANG LISTA PONUĐAČA ZA LOT-1		
R.br	Naziv / ime ponuđača	Ponuđena cijena (bez PDV-a)
1.	„SHOT” d.o.o.ZENICA	17.000,00 KM

RANG LISTA PONUĐAČA ZA LOT-2		
R.br	Naziv / ime ponuđača	Ponuđena cijena (bez PDV-a)
1.	„daniel’S” d.o.o Tešanj	15.360,00 KM

RANG LISTA PONUĐAČA ZA LOT-3		
R.br	Naziv / ime ponuđača	Ponuđena cijena (bez PDV-a)
1.	„SHOT” d.o.o.ZENICA	18.400,00 KM

Nakon sačinjavanja rang liste ocijenjenih ponuda Komisija je konstatovala da ukupna ponuda najpovoljnijeg ponuđača „SHOT” d.o.o. ZENICA za LOT 3 u iznosu od 18.400,00 KM premašuje procjenjenu vrijednost nabavke za 1.300,00 KM. Komisija je aktom broj 16-12-16-4749/18 od 25.09.2018. godine tražila mišljenje od Sektora za materijalno-finansijske poslove po pitanju obezbjeđenja dodatnih novčanih sredstava za realizaciju predmetne nabavke. Sektor za materijalno-finansijske poslove je aktom od 25.09.2018. godine, dostavio Komisiji informaciju da navedeni iznos ne predstavlja značajno prekoračenje i da će Agencija preraspodjelom budžeta obezbjeđiti neophodna sredstva.

Nakon provednog postupka ocjenjivanja dostavljenih ponuda, te mišljenja Jedinice za specijalnu podršku i Sektora za materijalno-finansijske poslove, Komisija je utvrdila da je ponuda ponuđača „SHOT” d.o.o. ZENICA ocijenjena kao najpovoljnija ponuda za LOT 1 i LOT 3, a da je ponuda ponuđača „daniel’S” d.o.o Tešanj ocijenjena kao najpovoljnija ponuda za LOT 2, kao i da iste ne podliježu primjeni preferencijalnog tretmana domaćeg.

Shodno navedenom, prihvaćen je prijedlog Komisije i odlučeno da se ugovor u postupku javne nabavke taktičkih cipela, kombinezona i brila za potrebe Agencije, dodjeli ponuđaču „SHOT” d.o.o. ZENICA za LOT 1 i LOT 3, a ponuđaču „daniel’S” d.o.o Tešanj za LOT 2, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima x3;
- Sektoru za mat.-fin. poslove;
- a/a.

GLAVNI GENERALNI INSPEKTOR POLICIJE

